

小峴山人詩文集

小峴山人詩集卷十二

無錫秦 瀛凌滄

嘉慶丁巳閏六月阮學使芸臺侍郎邀余及吳穀  
人侍講程也園吏部陳古華太守月夜憩湖上之  
湖心亭屬石門方蘭士爲之圖逾年爲戊午六月  
學使復邀余與古華及劉澄齋舍人游湖心亭暑  
雨適至集飲極懽始出蘭士所作圖以示乃爲補  
題七古一首并寄穀人也園

扁舟夜汎西子湖湖心亭子如鷺島三更姮娥下瑤海  
金牛吐出驪龍珠此景忽忽已一載阮公又復招吾徒

古華澄齋不速客錢唐門外同登壚船頭飛雨打船急  
四面螺髻皆模糊荷柄亂搖菱葉颭嘔軋雙鷗鳴菰蒲  
阮公先登小亭上吾輩共立船窗呼須臾繫纜楊柳岸  
撫掌一笑傾醞酬對酒卻話昨年事湖山無恙晴雨殊  
一彈指頃已陳迹前游如夢畱斯圖圖中主客共得五  
三人何幸今還俱侍講譚經客邗上吏部解組歸天都  
人間聚散良足慨歲月荏苒悲啼蛄今年阮公亦當別  
湖上誰復爲清娛斯圖斯會不易得雨止月又生高梧  
六月二十日天竺祈雨畢乘月至冷泉亭

暑月天稍旱祈禱事方畢五更巢鶴鳴陰森轉林樾一

徑入竄窳空亭坐清絕寒泉響清冷弄此泉上月澄輝  
漾幽潭倒影鑑鬚髮山僧此時起樹杪鐘聲發遙看法  
堂上禪燈半明滅憂心終未忘爲霖指龍窟時將取水龍井  
簡劉澄齋時澄齋臥病湖上初愈書來言將詣淨

慈禮佛

昨夜葉初落秋風何太暄故人方臥病經月閉閒門欲  
往阻公事書來如面言朝來初盥沐拄杖訪祇園

湖上送澄齋北歸

清波渡口木蘭橈載得離尊又六橋南國病餘人寂寞  
西風吟斷鬢蕭騷將歸汾水三秋雁曾聽錢唐八月潮

落日魂銷湖上柳東坡畱與短長條

將至理安寺

秋尋何處寺磻路斷崖分樵擔挑黃葉僧衣裏綠雲寒  
禽倉谿響疎磬隔煙聞遙指松顛閣前山未夕曛

一片雲

在龍井

龍藏深澗底古甃苔痕重還畱一片雲山風吹欲動

雨後過南屏

西風吹溼雲片片飛不起落葉寺門深寒鐘翠微裏

送俞漪淥還里井寄安孝廉彙占

吾鄉詩人俞紫芝九月過訪西湖湄蕭然襆被就余宿

日日相對惟論詩我羨紫芝真狷者生平孤冷兼風雅  
不愛今人愛古人屈宋曹劉相上下短李以降詩萬篇  
收拾肯使狸雲煙吾鄉訂梁谿詩自君發之日落空山弔吟魄詩冢  
三尺碑徒鐫今日尊前忽告別我欲留君君欲發一年  
節候到黃花萬種心情看白髮我苦思歸未得歸那禁  
臨別思依依君歸好向安生道昨夜相思雁正飛

訪周采靄卽邀至楊書巢齋中茶話

城郭抱谿流谿上黃葉積斜陽滿古巷中有苦吟客比  
鄰楊子居高齋映蘿薜我往屏車騎君至但攜屐一鳩  
啼屋角籬隙茶煙白惜此須臾會淹留難永夕遜人翫

物化志士貞晚節共茲歲寒心修篁向人碧

說經圖爲錢可盧

大昭

胡維君

虔

陳仲魚

鱣

作

束髮爲經生經義頗鹵莽中年苦奔走老益困鞅掌箋  
注與義疏記憶劇愒悅近識胡維君篤學窮北垞海昌  
陳生鱣論議相下上

朝廷徵孝廉二子入珊瑚更有嘉定錢學優齒尤長先  
後膺薦辟卓然冠吾黨三人不同方道合互勸獎說經  
繪作圖一一肖形像世儒事章句沾沾泥名象精神疲  
佔畢聚訟各標榜詢以當世務茫然墮矐矐卒同上苴  
棄何殊敝帚享通經適於用昌黎語非廷錢君我未識

其貌殊駸髡胡陳偕吾游爲人竝俶儻誰敢買孔席或  
繼毛鄭響期爲有用學用之視所養吾衰媿無聞白髮  
已千丈

謝蘇潭邀同姚姬傳游西湖卽送姬傳還白門

姬傳先生來杭州西湖要作十日留芒鞋踏遍湖上路  
重陽細雨丹楓秋今朝風日喜晴霽康樂邀我同清游  
訪君直指段橋口楊柳椿繫沙棠舟篙師解纜掠波去  
雙槳驚起雙白鷗憶君中歲挂冠早著書長對龍瞑幽  
海峯爲師徂君弟古文卓絕無與儔近年作客冶城畔  
六朝山色當簾鉤齊宮梁寢莽蕭瑟復向趙宋尋荒邱



冬青樹死觸體泣山鬼夜叫寒林愁西湖無恙好眉黛  
付與詞客張吟眸君言更覓理安寺十八澗水沿谿流  
石屋雲深宿猿獍水樂洞古喧琳瑯峯頭每箇住一月  
頽視滄海如浮漚如何便欲理歸權吳江煙浪風夷猶  
他時白門儻相憶木葉又落金陵樓

題李武曾先生灌園圖四首

圖爲文與也作鈍翁先生爲之序

錦石山房近有無蕭疎粉墨寫菰蘆堯峯竺陽皆清絕  
諸老風流想畫圖

射襄城南黃葉邨瓜花菜甲遶籬門劇憐窮作長安客  
孤負秋風十畝園

秀州南接具區帆我有荒園傷翠巖露非霜菘隨處好  
年來也羨荷長鏡

萬箇篔簹煙雨痕暴書亭子忽高騫

近修暴書亭

竹垞一事

還輸與畫卷流傳到子孫

竹垞圖已爲他氏所得

### 哭從弟端厓司業

地下難兄付刹那

謂漪園兄

無端爾亦抱沈疴家門消息風

吹葉塵世功名水逝波有母尚畱華髮在幾人先種白

楊多

向在京師與端厓爲癸亥同庚之會共十二人今十二人中餘姚邵二雲石門陳遠山天津張嘯厓

皆平生同輩兼同齒淚灑江天問大羅

### 新建蘇文忠祠落成用阮芸臺少宗伯韻

文忠祠肇北宋年俎豆曾奉西湖壻誰與毀者呂吉甫  
華嚴歷劫陵谷遷公之治行在杭郡不獨氣節文章全  
江山故國舊所歷天目皆萃江滌漩當時去葑種菱芰  
夾隄雲錦芙蓉媽學士富貴等春夢風月無恙爭清妍  
今年我歸自日下三過堂下停吳船寒潭半匆碧於玉  
荒亭一角犁爲田矣腐規復諾僧請忍使勝地隨雲煙  
時余方倡修三過堂斯祠何幸一時舉鉅公大筆先摩鐫少宗伯書祠額  
公昔流離竄嶺海一座之覆何有焉奸諛悖下骨早朽  
黨魁千載懷名賢此邦畏壘有尸祝七百載後祠宜專  
更擬東偏架樓榭窮官祇惜慳囊錢樓成望湖此最勝

千頃況有池中蓮吁嗟乎我欲酌公公已僊西湖之水  
還娟娟山月影髣髴眉圓月下白鶴來翩跹傳世代舞  
喧神茲民飲公德如飲泉父老莫醞公應然一盃絕勝  
蠻江天

謝蘇潭方伯邀陸璞堂廉使李石農觀察游韜光  
余以事未與蘇潭以詩索和如韻禽之

好向名山認屐痕一筇頻叩竹間門風生絕壑穿雲落  
瀑出危崖挾雨翻仙佛因緣前夢在雪泥蹤迹幾詩存  
江光海色微沁裏翰輿羣公共吐吞

流連竟日弄雲漪無恙金蓮白傅池林鳥不嗔官騎鬧

山僧欲勸夕陽遲  
苔岑氣味諧幽賞  
泉石心情共縈期

莫道吳歎先壓卷  
低頭萬竹乞新詩

石農愛余詩光舊  
作有低首韜光五

字詩句

同蘇潭璞堂入自太平門游某氏園和蘇潭韻

築騎郊扁首重回  
林扉指點傍城開  
穿籬曲水牆根入  
架壑橫槎海上來  
竚篠閒探黃葉徑  
玲瓏亂踏白雲堆  
有教騶唱驚魚鳥  
寄語園丁莫浪猜

洞口渾疑僊令家  
丹砂曾否鍊成霞

主人曾為縣令

風生研北

千竿竹霰落淮南  
幾樹花鄰圃呼童澆藥甲  
秋泉畱客煮茶芽  
吾暫官事忙難了  
且喜今朝暫放衙

送李石農之任浙東

解纜樟亭去潮聲滿富春黃花江上驛紅旆畫中人題  
柱郎官舊塞帷使節新兒童傳白雪重見李于鱗  
行盡越中路東甌接大荒水吞秋嶼綠天浴海雲黃我  
賸題詩壁君開判事堂邦人無恙在好更植甘棠

哭李少鶴四十韻

海內稱循良近時得二子一爲江右魯非一則山東李

魯歿已四年曷爲李亦死爾官在粵徼相隔及萬里前  
年寄我書殷勤託雙鯉年來斷音耗渺渺蠻江水傳聞  
爾已殂思爾夢魂悸京師遇王君甫告我爾果已我聞

重歎息嗚咽不可止不獨亾良朋且痛失循吏曩者魯  
宰晉除弊去痼疾上官哂其迂強項轉自喜設施未及  
竟齋志忽不起爾初令岑溪民有朱邑祀其後收安順  
邊卟苦窳嵒暴征戒科斂薄刑弛鞭箠誦爾猛虎行涕  
淚灑清泚胡奪元道州性命秋葉委爾我同制科矧又  
齊年齒論交如弟兄彼此兩不鄙鬚髮我早衰爾貌尚  
硯礪炯目兼頰顏豐頤更長耳於相宜壽考聲況洪鐘  
似平居愛吟詩頗得陶韋旨庶幾涵養醇胷泯世俗累  
豈緣瘴癘侵毒氣中骨髓粵中比多事于役少寧晷魑  
魅解禍人效爾亦已駛尊公在 先朝卓然名御史爾

有好昆季金玉鮮瑕類一旦爾先折天道不應爾孤糲  
何時歸妻孥復安恃我詩寄石桐長言以當誄

爲洪稚存題城東訪月圖四首

故人十月到西湖示我城東訪月圖認是清暉橋畔路  
昔年曾此戴琴壺

青袍似草記臨歧北去金臺別故枝

圖爲稚存庚戌計  
借時作是年卽入

翰今日錦衣行樂地月明翻憶玉堂時

通潞歸來江上舟黃花紫蟹醉深秋何人共買蘭陵酒

應笑詩人趙倚樓

今春余在京師趙味辛  
言卽當告歸今竟不果

天許題詩到百蠻東南曾踏萬重山應知貴竹天邊夢



還在紅橋白堦間

憐儂雙鬢不禁愁  
輸爾還家尚黑頭  
儘有西神好明月  
廿年無計卜菟裘

送詹湘亭之新安四首

吳門才子有詹同  
訪我西泠衙鼓中  
記取段家橋畔過  
寒泉秋菊拜髯翁

竹兜斜日上岵巒  
儻過餘杭訪洞霄  
天目徑山看不了  
一林楓相葉蕭蕭

新安江口雲容容  
前頭望見三姑峯  
三姑雲中出遊戲  
笑騎白鹿鞭癡龍

聞道長洲王鐵夫也將鼓檝到西湖何妨十日且須住  
共寫孤山踏雪圖

冬日攜惠泉酒觴何春渚宋茗香項秋子詹湘亭  
華秋槎於蘇公祠諸君各賦詩余亦得一首

放鶴亭邊聚詩友家釀新攜惠泉酒撥甕清香便沁脾  
銜杯佳味都滿口彷彿步入漪瀾堂雪竇寒泉清瀾瀾

製法何須問邠老買去定應逢蔣叟

國初惠山有蔣叟者善製酒今惠山

下酒家猶多蔣氏也

蘇公當日煮小團亦有青州從事否我今作

吏去鄉井監司無能已白首人道使君興尚狂誰識憂

懷劇紛紜還持一盞酌我公祠門落日搖衰柳

過陸祁生於蘇公祠時祁生將同稚存還里

年少能詩者江東有陸雲相逢孤嶺下祠木帶斜曛琴

劍無知己湖山失故羣

謂錢魯思

飄零仍不遇感激向蒼雲

後日又當去他鄉伴未希太湖三萬頃一櫂返荆扉種  
蛤尋荒畝撈蝦傍釣磯漁樵吾輩事望爾且高飛

十二月十九日祀蘇文忠於孤山新祠有作

公生眉州死常州汝南荒冢無松楸餘杭作郡偶然爾  
泥爪乃獨西湖留新祠突兀起孤阜風雪蕭騷過三九  
衝寒一櫂到祠門特爲先生酌杯酒平生蹤迹瓊與僑  
墓頤回首天西南命纏磨蝎落蠻瘴春夢已醒梳椰巷

死也有爲生有自知公千載仍不死  
箴聲重喚雪堂人

山色疑圍紗縠里黃柑丹荔山泉香  
公魂翩然下大荒

左揖涪翁

武林門外有黃文節祠

右淮海同驂白鳳來  
游翔上年

此日汎湖水欲做生辰少專祀今年今日祠  
早成勝流紛紛薦蘋芷公名豈以文章傳  
堂堂政績垂簡編吾儕對公但增媿葑田  
十里迷寒煙

命兒子緇武緇文歸葬亾婦於富安鄉之原感而

賦此

一別三年久茫茫感百端如何便瘦骨不及再憑棺  
夜雨憐余獨朔風吹汝寒今宵枕函淚到曉幾曾乾

長逝君無恨今年已有孫難忘兒女意已負平生恩橋

架谿邊水山圍歷下邨靈輶經過處直似返家門

婦家近洋

谿之蕩蕩橋地名歷邨下今葬卽在其處

### 雪後登孤山

咸平有處士著屐獨尋君隔岸數峯雪當階萬壑雲松  
窗僧煮茗石經鶴呼羣我意暫閒逸裊裊空見聞

### 蘇文忠祠東偏之室顏曰小峨眉紀之以詩

公家峨眉下未登峨眉峯峨眉去此八千里那有突兀  
青芙蓉忽行西湖上吐出嵐煙濃埽空紫翠落窗牖歲  
寒巖畔雲容容恍恍夢陟小峨眉頂天雞乍叫聞清鐘又

疑蜀僧鼓綠綺泠泠響入風中松峨眉峨眉去此八千里大峨山人呼不起檻外平鋪雪練澄化作玻璃江上水

陳華南寫蘇公祠圖見貽輒題二絕句

尺幘鵝谿好東絹看君潑墨寫蘇祠歲寒巖畔三間屋白鶴飛來雪後枝

君家泖水我蓉湖同到孤山酌大蘇一種風流難畫處

二泉新釀四腮鱸

家鄉寄惠泉酒至適華南贈鱸魚皆以祀公

送陳仲魚會試

今年浙榜發佳士得兩人兩人本同姓有子復有斌過

從與我習論說常斷斷子也治賈孔斌也師韓荀厥趨  
雖異軌所詣皆殊倫昨日斌告別去去長河津今日子  
又辭別我西湖濱騏驥脫鹽車鷓鴣凌蒼旻貢之白玉  
堂觀國利用賓匪爲諸子賀庶幾吾道振我先贈斌文  
含意還未申喟然發長謠古義爲子陳子先膺特薦當  
爲希世珍勿似悠悠者徒羨冠與紳

簡周松靄先生二首

歲晚停騶海上城有人高臥掩柴荆過門不敢輕投訊  
只恐先生杖策迎

我慚名宦湯荆峴君似高人徐俟齋白髮著書茅屋底

籬門積雪壓松叙

謝太傅祠

祠在長興之三雅岡卽太傅墓公故葬建康爲陳始興王叔陵所廢公後人遷葬於此公嘗任吳興守令長興今猶有謝公塘謝公鄉云

太傅祠前檜柏蒼何年幽宅徙鴉岡  
東山絲竹悲風冷南渡衣冠蔓草荒  
畫壁至今思蜀相傳芭自昔記桐鄉  
拋殘羊虎啼林鳥落日寒原似建康

揚甫書來已自揚州入都不復來  
杭州矣寄詩廟之

玉局祠前雪後梅梅花萬樹盼君來  
那知徑跨揚州鶴

不飲西湖水一杯

曾賓谷助揚甫貲將入爲中書書中有浙江水清無魚之語



看君躑躅赴公車塵夢年來尚未疎從此便拋三腳去  
詩人無暇喫鱸魚

春夢無痕了不留算來鷓鴣十春秋當階紅藥應相笑

遲爾來看已白頭

庚戌楊甫曾取中書而失之今十年矣

舊事春明廿四年君應輸我著鞭先中書禿盡垂垂老  
早擬歸耕十畝田

曾將詞賦動明光

楊甫以獻賦得舉人

橐筆行看入建章定有奇

文能論蜀長卿當日亦貴郎

都亭楊柳漸參參舊雨相逢積水潭

謂法

到得看花定

回首紅魚綠酒憶江南

余上年寄楊甫詩有紅魚綠酒憶江南句

歲莫言懷二首

怕悵槐陰漸夕，睡半生仕宦了無聞。擬編一卷歸田錄，  
莫負當年誓墓文。春雨南山堪種樹，故人西望尚從軍。  
謂龔海峯 楊荔裳 輅材只合爲農老，輸與羣公自策勳。

漫笑棊枰著著非，西湖雖好念柴扉。白頭冉冉華年過，  
滄海茫茫舊侶希。父老尚應於我戀，溪山久已待人歸。  
具區深處看垂釣，休遣漁郎認繡衣。

馮玉圃給諫寄到新彙鶴半巢詩藁，輒題六首卽寄。

去年三月忽忽別南國，春寒又一時。日下勞君遠相憶，

傳來驛使半巢詩

顏謝文章屈宋心  
剛除鄭衛屏哇淫  
七絃響入泠泠水  
自有人間正始音

雲間前輩王司寇  
樞省論詩獨數君  
它日流傳湖海集

鶴聲吹下九臬聞

王述菴先生前年在浙嘗論到近日軍機詩人首稱玉圃

登臨應上瞭鷹臺  
可有軍書自蜀來  
劍外梅花萬峯雪  
今年仍傍戰塵開

傾倒詩篇酒十巡  
灤河風雨帝京塵  
舊時高李俱黃

土多少山陽遠裏人

管輅山張劭齊皆舊日論詩友也近相繼沒

筆牀茶竈舊因緣  
我欲歸乘笠澤舩  
君倘投簪同汎宅

應添皮陸唱酬編

簡孫淵如卽用其題蘇公祠圖韻

六年良晤邈無因，白鶴翩然到海濱。  
我媿一官絲鬢短，君看雙岫翠眉新。  
湖山風月思前輩，天地行藏老此身。  
欲與坡翁論水利，金牛開濬復何人。

送淵如歸金陵

渡頭春水碧黏天，風捲楊花軟似綿。  
酒盡杭州三月雨，人歸建業六朝船。  
傷離氣味青尊外，經世心情白髮邊。  
我欲爲農還未得，幾時同買五湖田。

蘇隄新柳

吟斷梅花笛裏魂六橋新漲上眉痕西陵暮雨煙初染  
南國春愁水欲昏弱不勝鴉空拂岸淺難藏鴨已侵門  
總宜船過頻牽纜青眼先窺酒客尊

題徐侯齋澗上草堂圖

白髮滄桑舊逸民誅茅礪上水粼粼所南心事雲林筆  
無恙青山繞屋春

喜聞故御史曹劒亭前輩蒙 恩贈衍予蔭有作

封章曾彈霍家奴三泖湖邊墓草枯白簡幾人投市臂  
青山無地泣童烏危言豈畏含沙怒 聖代能容伏闕  
呼萬古幽魂知感激新看華衮賁泉壚

宋望祭殿

半壁江山說中興汴梁鐘簾委榛芳春風不上銅駝陌  
秋草全荒石馬陵南渡有人輸歲幣中原無騎踏河冰  
珠襦玉匣難回首一片黃沙黯漆燈

湖心亭

雲影倒中流漾此潭上屋垂楊弄春煙煙中水禽宿繫  
纜垂楊陰風吹一船綠

冷泉亭

絕壁蕩纖綠泉流寒到今孤亭石泉上斜日生微陰倒  
浸太古色時聞天樂音逢僧煮苦茗樹杪已歸禽

羅浮蝴蝶歌

汪小海贈余羅浮繭端午日破蛹而出則五色蝶也以詩賦之

我足不踏四百羅浮峯平生未睹麻姑裙五色并未一  
識勾漏之仙翁何來蝴蝶忽栩栩斑斕采錯光熊熊疑  
翦冰綃鉛水濯如織金縷晴霞烘莊周據梧夢不到滕  
王弄粉圖難工蛾眉雙尖鬪新樣蟬鬢兩翅羞纖容旣  
非孔雀炫毛羽亦殊雲母張屏風吁嗟是物誰所贈桐  
鄉汪子貽我繭子如秋蓬懸之樹底一朝破蛹出江城  
五日天方中奚奴不解事置爾棲樊籠垂頭倒挂頗瑟  
縮不得粉衣上下尋花叢我將縱爾翩翩返嶺海化爲  
車輪照耀樽桑紅它年我儻拄杖鐵橋去或者與爾重

相逢

金鄠巖比部以王勤中羅浮蝶冊子見貽冊後有  
朱竹垞笛漁父子長歌余以荔支奉報并附以詩  
我賦羅浮蛺蝶詩誰人粉墨寫儂姿五光十色看如活  
圖畫歌行兩擅奇

朱明洞口鐵橋旁四百青峯是故鄉想得竹垞歸嶺表  
翩翹對對照鴛鴦

閩南一夜鸞帆風鮮荔支來自甬東分與故人三十顆  
西湖六月擘輕紅

秋日壑葺訪破公不值



小隊南屏訪寂寥，風喧泉壑到僧寮。  
青山徑僻堪行藥，紅葉林深只挂瓢。  
冷宦心情秋後燕，枯禪氣味雨中蕉。  
劇憐湖上三間屋，孤櫂蕭然伴麗譙。

時邵懷粹停棺於錢唐門外

蘇公祠之左築望湖樓，成移祀寶東皋先生於樓。

上有作

欲將秋菊薦寒泉，還有孤山一壑煙。  
醉倚闌干橫笛夜，望湖樓下水如天。

東國文章尚在茲，直將海嶽接峩嵒。  
何如三過平山下，白髮門生感故知。

重游雲棲

幽興與飛鳥入山空所云崖從谷口斷水向澗邊分竹  
盡始逢寺松高不見雲前游已如夢重到又斜曛  
七十老衲子相期證大乘寒林送歸騎丈室闕禪鎚去  
住難爲客行藏媿未僧青山萬古色杖策儻頻登

荅徐雪廬

空庭露始繁脫葉飛不已把爾冰雪文展向秋桐底冷  
冷風中琴欲洗箏笛耳端居方抱疴東湖隔煙水

汎舟西谿游交蘆葦

十八里谿水谿邊飛曉禽人探禹航路日上秦亭陰竹  
影通蘆港經聲出竹林勞生滯蓼絨暫契白雲心

絲交蘆葦至秋雪葦仍取道西谿歸卽與吳穀人

侍講別

忽覺谿風冷斜陽亂渚禽舟行秋雪裏僧送綠蘿陰落  
葉擁歸徑有人辭故林郵亭一尊酒無那別離心

周松靄以詩見懷和韻寄荅

涼飈昨夜拂澄襟秋露蕭然滴淨琴憂樂漫勞天下計  
行藏已負舊時心君方種秫師彭澤我未忘機學漢陰  
此日夔龍滿臺閣不妨高臥白雲深

湖上歸袁生陶軒過我見示近作用韻和之並簡

胡雒君

西湖激灩映芙蕖湖上歸來午飲餘客把新詩衙散後  
風生小閣雨來初不須逝水悲前事陶軒有哭邵右菴詩只合浮  
雲付太虛剩有平生經世志流民鬪隴未安居

為雒君題清源草堂圖

雒君夢至一處草堂數間云在攻離山下清水所出

也因作是圖

攻離之山清水出屈注入漢頗洶涌何人草堂山下居  
夢中突兀見此室胡子家住環谿前邇來頻汎西泠船  
清水相望隔河陝雙足不踏關門煙夜夢胡然渡河去  
豈是隆慮平舊游處維君云其尊人夢入自隆慮山來而生雒君隆慮豈攻離之訛邪  
卽今 朝廷方用兵連歲妖氛逼秦豫虵豕出沒盧氏

山東西奔突緣孱顏又聞襄漢被兵數  
天誅尚復稽  
兇頑胡子讀書不得力投筆從戎計亦得今宵夢更渡  
黃河去斬頭顱黑山賊

秋懷四首

浙水連吳越虛傳使者名漫勞巡海甸亦欲撫編昨忍  
令征徭急難期岸獄平欣聞寬大詔只是爲蒼生  
家住梁谿上城西有草廬池臺希結構竹木劇蕭疎華  
髮兼多病名山未遂初祇因逢 聖世不敢念樵漁  
昨夜秋風起樓頭一雁過年華悲晚晚世事苦蹉跎離  
別竟如此故人今若何芙蓉不堪折江上浩煙波

尚發秦中卒方休隴右兵 天心寬肆赦將令許專征  
驛路疲輪輓黎元苦踐更瘡痍應再起耕堡及昇平

爲淵如題探禹穴圖

君浮錢塘入於越策馬獨尋大禹穴梅梁已化神龍飛  
窆石不隨追蠡齧八分數字認點畫東京史陵畱古碣  
羨君好古世無比蒼沮邈斯辨工拙西游秦華東岱嶧  
千載茫茫有此傑摩挲幾徧讀幾過宛委依稀吐虹蜺  
生時巡游沒所宮苗山之名垂越絕漆燈幽隧懸桐棺  
故老流傳未磨滅蒼蒼百丈涵青蒸海鯨牙穿厚坤裂  
我過會稽不一登空望巖扉立如鐵

爲馮鷺庭題洞庭山館圖

圖爲康熙年間名人手筆鷺庭將卜居洞庭適

得是卷

屬題

故人買屋毛公壇洞庭六月松風寒故人買畫長安市  
洞庭之圖有如此縹緲峯銷夏灣方壺員嶠非人寰畫  
邪真邪了莫辨笠澤萬頃入爾胃懷間披襟一吸金庭  
水君家本有龍威字入山更采青雲芝獻與高堂作嘉  
瑞太公孟亭先生年八十有二我家咫尺煙雲親未得與君同卜鄰  
致身福地竟何有坐使山中丹苞朱實空千春

題歸雲菴手卷

山人來自太白峯手攜一朵雲容容山人騎鶴已西逝

白雲猶挂巖邊松，松風作響入雲去。和以琴筑泉琤淙，  
團瓢貯雲雲化水。雲水浩蕩尋無蹤，荜葑鄰近只高翁。  
我欲下拜支寒筇，道場山前好山色。老僧頭白依殘鐘，  
前朝高士不可作。月下山鬼時相逢。

望湖樓下同人賞菊

老來容易負年光，撥櫂同探晚圃香。兩岸波痕依舊碧，  
十分秋色斬新黃。樓頭雁鷺霜爲國，門外蒹葭雨是鄉。  
欲汲寒泉薦坡老，一枝分供水僊王。

再至望湖樓看菊用前韻

羣公有約餞秋光，重踏蘇隄蠟屐香。宋代祠堂孤嶼綠，



晉人風味夕陽黃湖山壇坵如前度江國尊鱸卽故鄉  
聞說楓林濃似染明朝停轍問錢王

聞錢王祠紅葉頗盛

穀人侍講同年歸自揚州持西谿紀遊序見示竝  
將還朝行有日矣以詩送之

歸颿纔卸廣陵船重促行裝感別筵休說到家翻似客  
只看赴闕卽登仙中朝推轂方三握聖主知名已  
十年祇是梅花孤風諾西谿夢冷一簑煙

龍井

嶺梅殘雪後杖策叩松關石氣忽侵座泉聲常在山禽  
喧知日霽僧定與雲閒太息藤州客千年竟不還

過陳華南梅莊

中歲棄官早茅堂背郭成谿風吹我至無數梅花橫新  
筍綠離長春潮與岸平知君謝妻子於世百無情

寄吳仲倫

爾向烏程去斜陽碧峴西定乘太湖水一櫂返荆谿春  
酒醉方熟春茶長亦齊銅官山色好無數郭公啼

寄俞伊樂安彙占詩聞彙占將游山左

相思遙隔五湖濱愁望江東日暮雲芳草心情春閉戶  
落花時節客離羣碧山一別應憐我自社重聯定有君  
瘦擬歸尋三畝宅那堪人事益紛紛

余力理  
蕭家

題李畊客先生桃鄉圖為王石谷作

畊客先生去百年畫圖尺牘記畊煙白門秋寫鴛湖水  
只勸歸畊十畝田

桃花鄉裏桃花開昨夜南湖春水來髣髴泉亭山下路

小舩撐出碧谿隈余每以花時泛舟泉亭山下故及之

家園咫尺是柴扉九隴青山映釣磯我有詩谿桃萬樹  
年來未買綠蓑衣

題瀟湘雲水卷子

含墨蕭齋寫楚辭畫中煙雨濕江蘼平生未鼓瀟湘舵  
天外青山落九疑

題畢秋帆先生遺像

春風吹老戟門前節鉞聲名二十年地下知公遺恨在  
於今三楚尚烽煙

蒼涼石獸隴雲黃剩有悲風動白楊舊是文恭門下士  
先生以庚辰第一人入翰林先叔祖文恭公所取士雲巖山館閉斜陽

爲姚上舍

椿

題葛里圖

雲間公子方少年曾上長江萬里船今日西泠送行處  
馬蹄又入薊門煙

短長郵亭七十二無數新詩壁上題應憶啼猿連峽雨

戰雲深處是巴西

時尊人觀察  
在蜀中軍營

上巳日偕王妙聞吳胥石汎舟出艮山門至皋亭

山紀游有作

風雨連朝已負盟扁舟出郭趁新晴  
吾儕老去看花眼  
卻到看花分外明

皋亭山下花欲然撒沙廟前停畫船  
楊柳已絲柔漸吐  
風光休負采蘭天

江南三月春風顛白髮尋游非少年  
柳外一旗江上酒  
梨花如雪店門前

臨平西望隔通津似海春光欲暮春  
何處踏歌聲已歇

桃花潭上少汪倫

汪小海不至

和馮玉圃望湖樓韻二首

山下新祠水上樓，飛簷突兀枕芳洲。  
昆陵寂寞騎龍後，不見先生七百秋。

酒船多艤白沙灣，人比鳧鷖箇箇閒。  
我是醉翁門下士，便將孤嶼作平山。

寄徐朗齋黃梅

表弟七年別黃梅，六月書驚心烽火。  
後作吏蘭絲初山入，祖庭碧江浮縣郭。  
虛倘因簿領暇，一訪石農居。謂喻石農

喜儲玉琴歸自滇南

喜極相逢淚轉加，憐君落拓是生涯。  
鬢毛尚帶昆明雪

八  
劍氣空乘洱海槎  
萬里歸來仍作客  
百年老去竟無家  
尊前畱得窮愁骨  
朋輩茫茫幾劫沙

橫州之海棠橋先淮海編管邕州時與邨人祝姓  
對飲處也錢學使裴山過此繪圖於扇題詩寄余  
依韻荅之并寄謝蘇潭中丞

蠻城偶駐使君驂  
無復椰瓢對酒酣  
舊是先公遷謫地  
馬頭山色石橋南

春深不見絢纈霞  
寥落山農三兩家  
寄語南康謝開府  
爲儂補種海棠花

一夫華光七百秋  
括州祠宇又杭州  
憑君屏面詩遙寄

振觸胷中萬古愁

山亭陳迹費追摹  
亭廢今猶見畫圖  
我祖有靈應一笑  
耳孫日日領西湖

浙東大水行示官吏

黑風摧山怒蛟立  
霹靂車纏電火急  
平陸奔迸成崩濤  
惡浪崔嵬高百級  
半空瓦石隨雲飛  
千邨萬戶無完扉  
須臾赤子變蛙黽  
嗟爾性命何其微  
縣官登城城欲踈  
水突城闔浩呼洶  
縣堂滾滾排天來  
白晝聲極昏頽洞  
婺州迤南連括州  
到處俱有懷襄憂  
路上死人不知數  
殘骸挂樹如獼猴  
死者已矣生更苦  
寡妻哭夫子呼父



絕粒分作溝中瘠身無短褐居無宇我也聞之淚滂沱  
五行沴氣乘天和吾曹涼德據民上民兮民兮奈若何

小峴山人詩集卷十二終

小峴山人詩集卷十三

無錫秦 瀛凌滄

雜詩四首

秀州城郭松陵路一水遙通寶帶橋  
昨與胥江先有約  
爲他小繫木蘭橈

擬游虎丘

金閶門外欲昏鴉  
楊柳西風日又斜  
閒煞蘇州白刺史  
翠娥深鎖秦娘家

鐵舟不向鐵橋游  
短簿祠前小滯留  
滿院木犀香裏住  
開窗寫徧石湖秋

楚僧鐵舟善畫將有武  
尺之游今尚寓虎丘

題詩虎阜記從前  
重認游蹤一惘然  
無恙可中亭畔月

照人無緒過中年

赴 闕過家從父都轉公置酒山園羣從咸集述

事有作

奉 命赴京闕草草過里門長者意殷勤置酒臨山園  
泉流奏琴筑嵐影穿籬垣隔屋松翠滴當牕桂樹繁公  
爲述祖德葛藟庇本根柰何肆剪伐當爲植其援羣從  
喜畢集此意矢勿諼我方事馳驅公已歸邱樊出處道  
雖殊忠孝誼各敦再拜與公辭斜陽在前軒

過吳門不晤唐陶山明府却寄

吳會牽絲吏是仙卅年京兆舊同年風流劇似絲津老

新爲桃花種墓田

陶山新修唐  
六如桃花塢

過亾妻墓

死生長契闊一別竟五年前年我葬汝臨穴方缺然今  
年過鄉國來茲奠松阡寒壠被秋草廣陌映脩川我欲  
與汝語汝其聆我言兒女在杭州各各多平安汝孫亦  
漸長肥白髮垂肩我纔拜而父無恙食與眠此皆可慰  
汝無如隔重泉紙錢化爲灰飛作風中烟我方迫 王  
程不得稍遷延登舟行復別悠悠起長歎

九龍山下人家

九塢柴門外無人倚杖時山雲低戀竹溪水曲穿籬只

此樂耕稼何勞羨黃義應憐經世者好爵爾徒糜

遇王鐵夫於丹陽舟次鐵夫出楞伽圖索題遂同

至揚州

鐵夫數載不相見一朝相遇丹陽縣丹陽縣南風雨多  
停帆握手臨江波江波日夜流不止人世韶光等如駛  
我齒逾君一紀強君亦冉冉鬚眉蒼舟中示我楞伽卷  
髣髴石湖湖上巘共有區區誓墓心此計未遂徒侵尋  
如此家山不得住且約揚舸渡江去

揚州

重過揚州感北邙鍾離有妹葬他鄉阿兄頭白孤舟夜

爲汝挑燈淚數行

晚投李家莊

沂河渡頭烟色昏北風怒捲寒流奔魚梁水圻馬瑟縮  
沙際鴈鷺爭鳴喧店舍炊烟白於絮投止匆匆向何處  
故人先已具舟航

謂洪桐生太守

明日天明渡河去

沂州城外洪桐生太守出冠并留宿郡齋有作

翰林洪玉父典郡已三年握手重逢處琅邪大道邊  
留余郡齋宿置酒黃花前多少殷勤意流連池上篇

約余同過

右軍墨池

墨池之上有亭翼然面城郭而頰清冷曩隨先大

夫在琅邪書院時所未有也偕桐生過此卽與別  
昨宵郡齋宿故人枉嘉藻晨興風色霽初日出杲杲相  
與踐夙諾覽古一憑弔高簷抗霞軒荒池積秋潦彎環  
繞雉堞烟水得清妙蕭蕭蔭榆柳三秋葉漸槁衰衷舊  
所歷一往跡如掃年光遞流易鬢髮變衰老念昔愴前  
悰懽今展新抱所嗟迫征塗茲游亦草草

青駝寺

有客壚頭數酒錢丹楓烏柏店門前夕陽半背青駝寺  
數點青螺魯岫烟

蒙陰縣二首

殘雪春山一騎停

前年以雪後過此

三秋車馬又重經丹楓萬

樹顛與國禩出東蒙分外青

昔人曾佩蒼精龍避世高隱東蒙峯采茶若上最高頂  
腳底一片雲逢逢

### 泰山

東維巨鎮壓靈鼇典重三公望祀勞古時風雷藏石碣  
蒼崖日月壯神臯人間九點齊烟小天際千盤岳色高  
今日鼎湖龍去遠會隨翠輦侍簪毫

余以丙申歲三月召試

泰安行在庚戌歲三月隨蹕東巡

### 薊州



小坡山人詩集 卷十三 四  
蒼茫粉堞隱屏顏松嶺千盤不可攀西望白堆燕塞雪  
東來青入薊門山前朝古戍軍聲急此日重關埃火閒  
夾道兒童迎 翠罕六龍新自 上陵還

旅夜贈史臥菴同年

齊年義分久相親薊北聯牀誼倍真憐我三秋同病鶴  
嗟君四海一窮鱗霜華著意侵衰鬢藥物無端累故人  
臥菴精醫理  
親爲余視藥寂寞客牕燈似豆寒雞喔喔叫荒隣

馬蘭峪

巨鎮連黃輔層關控紫濛通天諸塞險拔地萬山雄峪  
色蒼烟外崖陰積雪中 橋陵松柏近淒絕鼎湖弓  
時方

恭謁

裕陵

重過直廬有感

建章出入玉繩低，依舊仙郎禁禦齊。  
雪霽上林巢鸞鷲，水涵太液亘虹蜺。  
承顏晝接新恩渥，橐筆晨趨往事迷。  
落落樞廷同輩少，白頭重宿苑牆西。

時余寓西華門

外靜默寺

紀恩述事

瞳矐曙色啟，楓宸鵠立披雲謁。  
聖人前席屢蒙宣，室召腐儒頻飫。  
尚方珍六條廉察，防貪蠹萬戶災。  
傷軫涸鱗上詢浙東水災，事事閭閻關。  
睿念從來謀國在

宜民

十月四日 召見乾清宮論及川陝軍事恭紀

頻年秦蜀賦同仇戰鼓於今尚未休誅叛法難寬首惡

時劉之協先就擒

燎原事只悞前籌軍書屢報偏師捷國計還

勞 聖主憂早晚西南罷輸輓盡銷金甲買耕牛

法時帆侍講招同吳穀人宮庶張船山檢討趙味  
辛舍人汪劍潭司馬姚春木上舍讌集詩龕船山  
先有作和韻紀事

落落詩龕內乾坤得幾人風騷屬吾輩會合記前因憶  
別衰顏改邀懽勝事新如何吳庶子歸願作州民

數人將假

歸

且勿論當局棊枰著著難惟愁菊花老

盆菊未殘

莫放酒杯

寒祖席重添卷

時帆將繪圖送別

論詩更築壇明朝分手去風

雪逼征鞍

### 高橋古廟行

過新城縣高橋旅店見無名氏題壁詩并記云  
高橋之西有古廟傳是天啓中魏忠賢建舊有  
豐碑前邑令剗其文而石尚存余惜其詩之不  
稱因賦此

高橋之西有古廟垣宇依稀隱蓬蒿建造相傳天啓年

斷碑還未埋殘燒碑中文字作者誰粗沙大石經磨治  
新城令尹劇快意不使穢跡仍畱遺吁嗟熹宗失政令  
阜昌厠鬼竊國柄窮奢土木遍西山金碧參差互輝映  
君不見張侍御抗疏會平魏闖墓剗盡前朝宰輔文區  
區此廟何足數

平原縣大風

平原縣前朔風大吹折橋南賣酒旗凍殺昏鴉啼不住  
夕陽疎柳最高枝

羊流店

魯國城南古廟秋羊公緩帶最風流如何峴首登臨日

不與賓朋話首邱

淮安舟夜

夢穩郵程古驛前  
江關已近迤寒天  
舊交北望如雲散  
故國南來有鴈先  
隔岸鐘聲淮浦月  
一城霜色楚人船  
漫懷經世慙無術  
孤負香秔下溟田

夜泊瓜州

暝色滿揚子渡頭  
聞扣舷江流明楚  
火鶴唳下吳田步  
冷三更月樓高一  
笛烟柴門南去近  
家在九峯前

舟發京口

澄江如練甕城隈  
津鼓聲中畫鷁開  
殘歲風光過小雪

故園消息近寒梅休驚白髮絲千丈漫對青山酒一杯  
父老粉榆方歎羨 新恩載得日邊回

舟中望惠山懷寄暢園

惠山如故人一見意已洽侵晨放歸櫂風駛等出峽五  
瀉滌衣塵明流宛茗雪九峯青濛濛忽向孤篷壓余本  
山澤癯性與猿鶴狎長松高可棲寒泉清可呷况有好  
園林十畝餘舊業脩闌小山欹斜塢怪石夾梅花映階  
楯烟蘿裊簾押鳴琴挂茅棟聽梵坐石榻雖無陽羨田  
到處堪荷鍤山靈應獻嘲廿年墮塵劫何時便解組攜  
友同步屨且欣曉色霽前村叫鷓鴣

掃先墓

馬鬣青山岑蒼檜柏陰還家 兩朝賜誓墓十年心  
恩重違初服情深戀故林匆匆嗟又別再拜涕盈襟

再過亾妻墓

復此經鄉邑籃輿到墓門已拚長汝聚何幸得吾存余  
次大墓第榮泉壤松楸付子孫還將數行淚一慰舊時  
病魂

訪高子水居

高子昔巖棲投簪謝朝班卜築漆湖上茆屋三兩間碧  
峯翠婉變寒流響淙潺遠招紫心友羊求時往還忽中



小坡山人詩集 卷十三  
黨人禍身殞清冷淵曩余屢過此不及叩柴關會以展  
墓暇弭櫂水一灣湖雲宿簷際落日在遠山勞生苦多  
役終羨沙鷗閒

可樓

簷挂西神碧闌干落五湖滄桑百年盡風月一樓孤吾  
道無不可先生竟已夫登臨意何限寒鳥下荒蕪

惠山逢吳仲倫聞其將之吳門

九峯斜景落忽忽遇吳均以我欲行客憐君歧路人賣  
文身尚賤負米室長貧此去連於越相期湖水濱

移官湖南有作

紫泥新命下重霄 北闕纔廻使者鑣 多媿聲名傳兩

浙從看雲物雜三苗 洞庭春暖湘流闊 嶽麓天高雁影

遙 祖德重懷然楚竹 蟬聯節鉞紀前朝 先高祖然竹集有懷祖德詩蓋

以先端敏先中丞皆巡撫湖廣也

皇恩鄭重過三年 回首西湖卻惘然 蒼嶺尋詩殘雪寺

同人餞余於龍井 寒樓話別夕陽天 余置酒畱別同人於望湖樓 明春定醉

巴陵酒他日誰登白傅船 父老莫揮江上淚 使君或有

再來緣

### 與冷泉亭別

冷泉亭冷踏蒼苔 揮手名山首重回 聞得山僧相向祝

願公飛去復飛來

富春道中寄伊樂

憶昨與君別歲事漸已闌方謂會面易矧君共盤桓忽  
奉楚中調遠涉湘流湍回首望故人迢遞隔吳關無緣  
重握手何繇傾肺肝舟經富春渚江水多波瀾高臺出  
巖岫幽谷明琅玕曷以贈所思悵此形跡單君老我亦  
衰共驚白髮絲仰視天際雲離合每無端有願申後期  
復罄平生歡

釣臺

獨釣桐江上江流如此深春陵天子氣寒瀨故人心祠

宇清風在松杉落日陰雲臺空自貴不及此雲岑

謝臯羽墓

心許文丞相江山慟哭年橫流滄海水晞髮釣臺烟再  
拜歌朱鳥孤墳叫杜鵑翻憐一坏土不葬六陵邊

題長沙陶季壽可莊草後時余將赴長沙

君本湘中客方爲湖上吟我從湖上去移宦三湘陰驛  
路梅花發江天雁影沉湘流知幾曲似我別離心

錄別

頻年宦吳越只尺隣家鄉歲時聚骨肉團圓共一堂明  
知人世間會合不可常甫廻薊北轅遽做荆南裝衰遲

苦嬰疾白髮已如霜許國重朝命焉能更傍徨申且  
發富春征鴻渺衡湘老懷戀親故輾轉迫中腸殷勤謝  
送者莫感參與商他時候歸權寧令久相望

桐君山

桐江之水涵清冷山木窸窣風冥冥梧桐已死數千載  
桐君雖去山猶青勞生自笑乏仙骨六年江上重揚舲  
蹤跡不到水簾洞碧桃瑤草扉徒局江深谷峻白雲裏  
丁丁樵斧敲瓏玲荒洞日落幽箐黑山鬼獨立愁玲塢  
空灘夜響鶴鶴叫不知何處招仙靈

九里洲

昨日揚帆富春路山下寒梅無數樹今日停橈九里洲  
洲上梅花更無數似雪非雪雲非雲一片濛濛亂香霧  
花源深處漁船通夾鏡澄泓到瑤圃此間合置梅花亭  
舊有梅花亭今廢歲歲春風踏芒屨我愛看花興未闌忽有洲  
民向前訴今年六月逢大水秋田無收食無餽梅花萬  
本幸未苑明年聊可充公賦

洲民以種梅爲業

### 將至龍游

小縣平沙外孤城聚晚烟灘光侵石碓篷影落江船  
淺游鱗少天高去鳥便舟人打雙槳已到郭門邊

### 灘行

帆勢隨灘轉舟窮又一灘紅知生返照青惜過層巒客  
子逢春及家人話歲闌杭州重回首已隔暮雲端

寄王妙聞俞伊樂吳半舫

南去瀟湘始問津蕭騷霜鬢宦游身茫茫後會知何日  
落落窮交剩幾人閉戶光陰堪送老浮萍蹤跡又逢春

青山白社渾無恙禊飲相期續舊因

余近得遂園修禊圖蓋康熙甲戌徐

健菴尚書招錢湘靈諸公以上巳日齒飲園中屬禹之鼎作也時先宮諭年五十八亦與焉今余年亦五十八擬他年招集東南老輩及同鄉故人修禊于寄暢園今未遑也故及之

鈴山道中

暝色落船窗飛飛白鳥雙山痕雷斧劈水瀨石鐘撞薄

酒不成醉鄉心寧易降前途望子弟只尺是章江

夢杭州

翹塵風曳柳絲柔  
嗁煞黃鶯無那愁  
雙槳綠波湖上路  
帶人春夢是杭州

舟中與戴姬茶話

篷窗無緒煮茶鐺  
話別江南夢不成  
鸚鵡簾櫳春枕上  
小樓深巷賣花聲

舟中與史臥菴戴松門侯春堂各談土風以詩紀

之

史宜興人戴嘉興人侯余同縣人

二沈烟波十里長  
銅官山色碧蒼蒼  
君家舊住蝦籠嘴



茶筍春來定憶鄉

蘸波絲柳一條條  
人在東風倚畫橈  
應憶鴛鴦湖畔水  
沒烟疎雨最無聊

梁清溪水綠於烟  
楊柳人家艤酒船  
最是有情忘不得

杏花山店嫩寒天

謂姚灣杏

章江門外柳

銷魂春色醉旗亭  
白傅相思夢未醒  
一樣章江門外柳  
怪他不似六橋青

舟行雜詩

貴溪城郭小於邨  
隔岸蜻蛉爭渡喧  
欲問前朝丞相冢

牛羊斜日臥荒原

人家多住縣樓西垂柳垂楊葉未齊  
屋外數峯青似染  
鷓鴣飛過弋陽溪

日日天晴少石尤挂帆已過琵琶洲  
獨來干越亭前望  
無數晚山相對愁

一抹邨烟映晚霞梅巖深處有梅花  
欲攜桑苧泉邊水  
來試餘干竹崦茶

滕王閣

不見元嬰蛺蝶圖千年傑閣峙洪都  
星移物換自今古  
暮雨朝雲時有無倚檻江山尊底合  
側身天地笛中孤

故鄉烟樹吳關遠書信何由達五湖

樟樹鎮

王文成  
晉師處

新建勳名一代雄晉師江上集艤艫義旗北指驚狂瀆  
法駕南來訝狡童莫道書生無寸略肯孤同榜有雙忠  
遙看片石開先寺未蝕殘碑舊紀功

寫韻軒

唐代仙姝軼事垂擘箋弄墨寫烏絲文簫此日乘鸞去  
神帳珠襦隱黛眉

孺子亭

高風卻聘謝蒲輪黨錮清流竟脫身南國陳蕃曾下榻

素車白馬又何人

北蘭寺

綿津開府最風流青簟疎簾對白鷗一徑幽篁舊蘭若  
老僧猶說宋商邱

南昌見小泗卽與別

移官適三楚卸帆過南州懽然見吾弟謂當話綢繆握  
手固無幾聊以慰我愁積念滿胷臆千言詎能休苦緣  
人事擾對牀仍無由欲言亦何有徒令中腸抽驚汝顏  
面瘦感疾還未瘳枳棘困鸞鳳風塵悴驂驅長天看兒  
女催汝今白頭阿兄更衰老汝亦爲余憂拙宦心神枯

八山卜言全  
卷一三  
一四  
歲月浩方道暫見復成別吾蹤難滯畱瀟瀟江上雨飛  
徧章江樓春柳弄碧色春水鋪綠油踟躕攬子祛身世  
兩悠悠

豐城道中

曲江亭畔水如天劍氣豐城已黯然剩有金花潭上月  
當年曾照孟家蟬

星沙遙隔醴陵西淼淼三湘近五溪昨夜扁舟過苦竹  
怕聞歸鴈萬行啼

鐘山洪

舟過分宜縣之鐘山洪兩岸皆石壁壁下爲灘

澄泓淪齋水底石齒齒可數縈以荇藻聲潺潺  
如奏琴筑灘上多邨落竹木清秀幽鳥喧喧時  
方正月十六日楊柳弄碧桃李漫山參差紅白  
已如清明寒食時也作詩賦之

烟船度雙峽返照銜絕壁倒影澆清漣風水互蕩激礪  
底露巖齧白石看歷歷迴流濺跳珠荇帶牽玳瑁遙青  
惜去峯近碧迓來鷓人家出深竹春禽破寥寂開花自  
開落幽芳無人摘空江生暮寒漁船一聲笛

鈴山行

嵩乎嵩乎我今欲決西江水爲爾一洗鈴山恥鈴山讀

書經十年一出何爲至於此長身戍削磊落姿倖進枋  
國繇青詞孔雀文章變毒螫鳳凰毛羽成欽鴆珠貝駢  
羅恣饕餮東樓萼山盡妖孽義兒朝拜閣門塵忠臣晝  
褻朝衣血嵩乎嵩乎薰天之燄曾幾時富貴翻覆浮雲  
徂老特乞憐亦徒爾東門黃犬竟何如可堪簿錄分宜  
日重問鈴山舊讀書

雨中山行

山頭濕雲寒不飛竹梢雲壓青依微桃花含笑隔幽壩  
雲裏一僧開寺扉

醴陵訪湘山寺

湘山昨夜鷓鴣啼曲曲千峯抱一谿未到江南寒食候  
梨花暮雨寺門西

將抵長沙有寄

洞庭新水綠汙汙流盡相思不見君殘雪清尊同命酒  
春風遠櫂獨離羣湘人門巷多芳草楚國山川半暮雲  
三十六灣明月夜笛聲哀怨豈堪聞